

sanjvwnz

Dawz Ngaenzling Hawj Bohmeh

给父母散钱

□Cinz Myau/覃妙

Miz ngoenz ndeu, gou naengh youq ndaw aendiemq baengzyoux caeuq baengzyoux gangjgoj gaij mbwq.

Seizneix, miz boux sai seiqcib lai bi ndeu byaij haeuj ndaw diemq daeuj, de cawx bau ien cib maenz ngaenz ndeu, cix ndenq hawj baengzyoux gou mbaw cienz bak maenz he. Baengzyoux gou bouj mbaw hajcib maenz ndeu caeuq song mbaw ngeihcib maenz hawj bouxde. Danghnaeuz dwg youq biengzseiz, bouxcawx itdingh habhoz yienghneix bouj ngaenz, aenvih yienghneix bouj mbawngaenz mbouj lai, ce youq ndaw daeh mbouj ciemq dieg. Hoeng bouxsai cix ndenq ngaenz dauqma hawj baengzyoux gou, heuh baengzyoux gou cienzbouh vuenh baenz mbaw cib maenz liux. Baengzyoux gou doq vuenh ngaenz doq geizheih dwk cam naeuz: “Mwnz yaek dawz baenzlai mbaw cib maenz bae guhmaz ne?” Bouxsai han naeuz: “Gou yaek dawz bae hawj daxmeh gou.”

Bingzseiz dawz di ngaenz hawj bohmeuh guh lingzyungh, neix bonjlaiz dwg gienh saeh bingzciengz ndeu, gou hix gingciengz baenzneix guh, mboujgvaq gou hawj mbaw bak maenz haemq lai, gaxgonq cietgingqlaux, gou dauqma ranz yawj bohmeuh, couh faenbied hawj songde moix boux bak maenz, gou nyinhnaeuz, mbaw bak maenz he



dawz fuengbienh. “Vihmaz mbouj hawj mbaw bak ndeu ne? Mwnz noix cit ci ien he, couh gojiy aeu mbaw bak haxbaenh haenx hawj daxmeh mwnz lo!” Gou laihnaeuz de dwg boux yinxien, mbaw bak maenz haenx lij nyam bau ien ne, lixlw caiq hawj daxmeh de, couh nyaenx mbouj ndaej dwk naeuz de. Hoeng, gij vah de dap hawj gou caeuq baengzyoux cungj doeksat raixcaix, gou soqlaiz cix mbouj yienghneix yawj saeh gvaq.

De naenz: “Gou mbouj dwg yinx cit ien, cij dwg yaek vuenh di ngaenzling. Daxmeh gou ciuhvunz youq lajmbanj, gaenxguh mbaetgwn guhranz, cungj sij mbouj ndaej

yungh ngaenz, danghnaeuz gou hawj daxmeh mbaw bak maenz ndeu, de couh nyinhnaeuz mbat ndeu yungh bae bak maenz, de couh sij mbouj ndaej yungh, couh yo dwk mbouj yungh; danghnaeuz hawj de mbaw cibmaenz, moix baez yungh mbaw ndeu, de cix mbouj hojsik geijlai, caiqnaeuz, couhcinj yungh bae mbaw he, lij miz baenzlai mbaw ne. Yienghneix, de cix onjsim yungh lo, neix dawz ngaenz hawj daxmeh cij miz yungh ha.”

Gou sawqmwh roxnyinh gvaengzda miz di fatndat, hauqswnh bohmeuh, lij miz cungj fuengfap saeqnaeh ndeu, neix couhdwg dawz ngaenzling hawj bohmeuh.

Ndei Lumj Lungz Boiq Fungh

好比龙配凤

□Liengz Hoz/梁活

Sai: Bineix ndaej sam it
Simgib caengz baenzgya
Bohmeh mbouj danq ra
Baenz gadog dwgrengz

Sau: Gou haeuj ngeihcib bet
Vunz vet caengz bae haq
Boh guenj meh youh hah
Caj daegnuengx ndaej vunz

Sai: Vunz miz baz baenzgya
Caez roengz naz haeuj reih
Gangj riu sim vuen heij
Faenhgou ngeix dwgliengz

Sau: Ngoenz okdou roengz doengh
Raen gyoengqbang baenz doiq
Gag ienq mingh boihsoiq
Gizboih uet raemxda

Sai: Naj ranz nuengx raih naz
Ce nya ndwi ndaem haeux
Beix lienh lai lienh raeuh
Siengj cam aeu cauxmiuz

Sau: Ienquengj beix bouxsai
Miz naz baij baihnaaj
Haet vang haemh youh gvaq
Mbouj gamj aj bak cam

Sai: Meh seng daeuj najmbang
Siengj gangj lau najmong
Sim go ngeix cam nuengx
Lau dongx mbouj han bak

Sau: Gvaqdaej vunz cam lai
Caengz haibak doengzeiq
Danghnaeuz mbouj yiemzheiq
Gyau hawj beix cauxmiuz

Hab: Songgyaeuj cungj gagonz
Caez gyonj daeuj guh bang
Buenq gaen doiq haj cangz
Niuzlangz boiq Ciznij

Doengzsaem youh doengzsim
Boux cim boux hab'eiq
Gietboiq guh fucei
Ndae lumj lungz boiq fungh

Veiz Gozcingh gig doengzeiq boux dungzci laux nei. Ndoengfaex dwg goekraemx, miz ndoeng cij miz raemx, de lij iq cix gamjsouh gvaq. Mbanjranz de Doenglanz, gwnz bya laj bya cungj dwg gofaex mwncupcup, ndaw lueg raemx laesetset baenzbi, mboujlwnh mbwn rengx baenz yienghlaw, raemx coengzlaiz mbouj mbaet gvaq. Baihlaeng aenmbanj miz aencong h lai hung gvaq aenbatnaj ndeu, gizneix raemxmbouq sawdikdik baenzbi, seiznyez de gig maij caeuq doengzdoh youq gizneix caemz raemx. Gvaqlaeng aenvih luenh ramj luenh bag, ramj faex cauh dieg, ndoengfaex noix le, raemx goj noix le.

Bineix mbwnrengx haenq caemh gangmingz, youq gij diuzgienth doengzdaengj lajde, gij lienghfwnoek caeuq gij mienhhoemq ndoengfaex dwg baenz cingqbeij. Ciuq bumwnz heiqliengq 1 daengz 9 nyied gyonjgeiq, Denzdungh, Denzyangz, Cungzcoj, Vujmingz, Liujgyangh, Laizbinh, Yilinz, Cinzhah daengj 8 aen

yienh ndoengfaex haemq noix haenx, lienghfwnoek bingzyaenz cijmiz 400 lai hauzmaex; Yungzsuij, Sanhgyangh, Lungzswng, Swhyenz, Yungjifuz, Cauhbingz, Yungzyen, Lingzyinz daengj 8 aen yienh ndoengfaex haemq lai haenx, lienghfwnoek bingzyaenz ndaej 1000 hauzmij hwnjroengz.

Veiz Gozcingh caeuq gij goengdaeuz dangiveij, cwngfuj ndaw gih cungj nyinhnaeuz Guengjsae siengj daj gaenbonj bae gaijcawz gij haih cairengx caeuq cairaemxrongz nei, gvaqlaeng itdingh youq daihlig hwnjguh suiqli doengzseiz, genhciz

ca ndei gij hong cauh ndoeng loegvaq haenx.

Veiz Gozcingh youq baez hoih gwnzde naeuz: “Vunz ciengzciengz cij raen cauh ndoeng seizgan nanz, soundaej menh baihneix, mbouj raen doiq daengx aen gozminz ginghci caeuq vanzging mbwndeih miz gij cozyung gyaeraez. Cungguk miz coenz vahsug dwg ‘bya heu raemx saw’, ‘bya ndoq raemx yak’. Miz bya heu le cij miz raemx saw, bya ndoq bietdingh cauh baenz raemx yak, gijneix dwg gohyoz gyonjgyoeb okdaeuj. Cauh ndoeng loegvaq dwg

hangh hongsaeh ndaej leih lai, youh cauhfuk hawj lwglan haenx. Hoenx ciengq le, ndoengfaex lij ndaej gemjngieg gij langgcung yenzswjdan, gemjnoix lwgminz sengmingh caeuq caizcanj deng sonjsaet. Sojyij, mboujlwnh dwg dingjcai, mbefat swngheanj, gaijndei vanzging mbwndeih, lij dwg guh bwhhoenx, cungj itdingh aeu cagaenj cauh ndoeng loegvaq, caiq mbouj ca ne cix gvaiz lo.” Gij gvanhdie de, byaij daengz gyawz cix gangj daengz gizde.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangisii Cioz Siengzcoub Liuz Gingliuj Cioz Siengzzen boiz

yienh ndoengfaex haemq noix haenx, lienghfwnoek bingzyaenz cijmiz 400 lai hauzmaex; Yungzsuij, Sanhgyangh, Lungzswng, Swhyenz, Yungjifuz, Cauhbingz, Yungzyen, Lingzyinz daengj 8 aen yienh ndoengfaex haemq lai haenx, lienghfwnoek bingzyaenz ndaej 1000 hauzmij hwnjroengz.

Veiz Gozcingh caeuq gij goengdaeuz dangiveij, cwngfuj ndaw gih cungj nyinhnaeuz Guengjsae siengj daj gaenbonj bae gaijcawz gij haih cairengx caeuq cairaemxrongz nei, gvaqlaeng itdingh youq daihlig hwnjguh suiqli doengzseiz, genhciz

ca ndei gij hong cauh ndoeng loegvaq haenx.

Veiz Gozcingh youq baez hoih gwnzde naeuz: “Vunz ciengzciengz cij raen cauh ndoeng seizgan nanz, soundaej menh baihneix, mbouj raen doiq daengx aen gozminz ginghci caeuq vanzging mbwndeih miz gij cozyung gyaeraez. Cungguk miz coenz vahsug dwg ‘bya heu raemx saw’, ‘bya ndoq raemx yak’. Miz bya heu le cij miz raemx saw, bya ndoq bietdingh cauh baenz raemx yak, gijneix dwg gohyoz gyonjgyoeb okdaeuj. Cauh ndoeng loegvaq dwg

hangh hongsaeh ndaej leih lai, youh cauhfuk hawj lwglan haenx. Hoenx ciengq le, ndoengfaex lij ndaej gemjngieg gij langgcung yenzswjdan, gemjnoix lwgminz sengmingh caeuq caizcanj deng sonjsaet. Sojyij, mboujlwnh dwg dingjcai, mbefat swngheanj, gaijndei vanzging mbwndeih, lij dwg guh bwhhoenx, cungj itdingh aeu cagaenj cauh ndoeng loegvaq, caiq mbouj ca ne cix gvaiz lo.” Gij gvanhdie de, byaij daengz gyawz cix gangj daengz gizde.

(caengz sat)